

YMA thiltum: 1. Hunawl hman that. 2. Zofate hmasawwna ngahtuah. 3. Kristian nun dan tha ngaishan

Vol. 43		Issue No. 25		Ramhlun North: Ni 21 June, 2025	
 BRANCH THU THAR ■ Vawiin hianExecutive Member-te Thlanmual hluia Platinum Jubilee YMA in tifai leh thawm that ngai lai te thawm thain an hnatlang. Sawhchiar siamna atan gas thuk lei thar a ni. YMA DAY hmanga Darlung-a kal a duh apiangte tan hmunphiah YMA Committee Room ah leh Chawngbawla Run ah lak tur a awm a, a duh leh mamawh tan a rang lama ngaihven nise a lawmawm hle ang  SUB.COMT THU THAR Library Sub-Committee: Er. R. Rohmingliana (MLA) chuan ‘Agriculture Study Tour’ Pu H. Rammawi ziaak bu 10 lai min pe a, a chungah lawmthu kan sawi e. Membership drive an zo khata, member ni duh tan Inrinni apiangin Library, Chawngbawla Runah a inziah luh thar theih reng e. Central YMA THUTHAR Central YMA leh NIELIT, Aizawl tangdun chuan a thlawna Computer zirna a buatsaih leh dawn a. Zir duh chuan, dilna hi Plain Paper-a ziaakin, June ni 26, 2025 ral hma ngeiin Central YMA Office, Tuikhuahtlangah thehluh theih a ni. Diltu ten mahni address kimchang leh Phone No. (Whatsapp) ziah lan ngei tur a ni. Dil thei chin : HSLC & above. Course zir theih : Course on Computer Concepts (CCC) - thla 3 Thil tel ngai te : 1. HSLC Certificate 2. Aadhar Card 3. Passport size thalak (a thar ngei) 4. Branch YMA hriatpuina lehkha Interview hun : June ni 27, 2025 (Zirtawpni) dar 10:00 am A hmun : Central YMA Office, Tuikhuahtlang CENTRAL YMA VENG FAI BER THLANG DAWN (YMA Rorel Inkhawm Vawi 4-na Thurel Bawhzuina) Ramhlun North, the 21st June, 2025: Central YMA, UD & PA leh AMC tangkawp chuan Aizawl khawpui huam chhunga Branch YMA te pualin veng fai inelna a buatsaih dawn a. Hei hi YMA Rorel Inkhawm Vawi 4-na thurel YMA KHAWIH sl. no. 1 “<i>Faina leh thianghlimna kawnga hma kan sawn theih nan bawlhhlawh paih dan inzirtirna neih ni rawh se</i>” tih leh sl. no. 2 “<i>Plastic bur/ bottle-in kan ram a tihchhiat nasat avangin, a hman tlem dan inzirtir leh thil danga hman tangkai dan kawng zawn ni rawh se</i>” tih bawhzuina atan hmalakna tur a ni a. Endikna tehfung tur hetiang hi a ni ang. 1. Bawlhhlawh sawngbawl chungchang a. Chhungkaw tinin bawlhhlawh phur lirthei ah bawlhhlawh an paih em? b. In tinah bawlhhlawh thliarhhran vek a ni em? c. Sumdawnna leh hmun lunlaiah bawlhhlawh bawm a awm tha em? 2. Kawngdung vawnfai a. Kawngpui dung leh kawngsirah bawlhhlawh paih mai mai a awm em? b. Kawngdung leh kawngsir te tihfai leh enkawl that a ni em? c. Vantlang kawngah insakna leh thiahna bungrua dah leh paih a awm em? d. Bawlhhlawh bawm khat tawh (overflow) a awm em? 3. Vantlang Inthiarna/ Zun in vawnfai a. Vantlang Inthiarna/ Zun in te hman tlaka fai leh thianghlim a ni em? b. Tui a awm tha em? c. Eng luhna/ ventilation emaw light a awm tha em? 4.Veng Cheimawi a. Khawlaiah emaw kawngsirah emaw thingkung/ pangpar etc. leh greenery a awm tha em? b. Vengchhunga retaining wall te a fai tha em? c. Khawlai leh kawngdungah te bawlhhlawh inchhekkhaw a awm em? 5. Vantlang hmun Faina a. Vengchhung bazar leh hmun lunlai te nitin phiah thin a ni em? b. Kawngsira thilzuar (hawkers) leh chawhmeh zuar te awmna a felfai tha taw em? c. Vantlang hmunah leh bazar ah te kuhva chhah senna leh chinai tahna hnu hma hmuh tur a awm em? d. Adopt-a-dustbin hnuaiia Vantlang bawlhhlawh bawm te enkawl that a ni em? 6. Tuiluankawr vawnfai chungchang a. Lui kawrah bawlhhlawh inhnawh khawm emaw hnawmhnaw a awm em? b. Luikawrah ek thli leh thli dang mihring tana tha lo paih a awm em? 7. Ranvulh chungchang a. Khawlaiah ran ek hmuh tur a awm em? b. Ran enkawltute ran in siamin rimchhia a siam em? c. AMC atanga phalna la lova vaw/ar vulh an awm em? 8. Mipui vantlang inzirtirna (IEC) a. Vengchhungah Faina chungchang inzirtirna thuziak/lemziak a awm em? b. YMA chanchinbu hmanga faina chungchang inzirtirna kum khat chhunga chhuah zat? c. Information mic hmanga bawlhhlawh sawngbawl dan dik leh Faina chungchang inzirtirna neih thin a ni em? d. Vengchhung kohhran leh zima in hrang hrangah YMA hmalaknain Faina kawnga inzirtirna neih thin a ni em? e. YMA Sanitation sub-committee in hma an la tha em? 9. Faina kawnga YMA member tanrualna a. YMA Faina Hnatlang 2025 chhunga neih zat b. Branch YMA member zat atangin engzat nge thawk chhuak? JAC THU THAR Ni 15.6.2025 chawhma inkhawm hlan khan Pu PC Laltlanmawia, S-Sec. in hnuai luah Pu H Laltleipuia te in leh Pu C. Lalrema in luahtu Pi Laldusaki in misualin an rawk leh a, rangkachak thi an la a, Pu Puia te Steel Almirah kar chhiain a chabi an la daih baw a, enge an lak Chiang taka hriat a la ni lova, FIR thehluh a ni e. Ni15.6.2025 tlai dar 3:00 vel khan Excise duty te leh RN JAC member te thlanmual hluiah an duty a, thlanmuala ruihtheih thil te leh khawtlang tana mawilo deuha awm te haw tir an ni. CCTV hi rukruk thilah in chhuina awlsam leh pawimawh, ruktute man chhuahna awlsam a nih avangin veng mipuite a vuah thei chuan vuah hram ni se. Vengchhungah rukruk a hluar thar riau mai a, chhung tinte fimkhur thar tlang ila, Varanda light te rukruk thil a a him zawk nan zanah ON thin ni se.					



Editorial

Faina

Ram changkang apiang an fai a India ram pawh kan changkan hleihtheih lohna chhan lian tak chu kan fai loh em vangte hi a ni pakhat ang. Ram changkang zawkte chuan an hnawmhnawkte tha takin an sawngbawl thin. Sap ram leh khawchhak rama zin tawhten an sawi ziah chu an faina hi a ni . A mihringa te leh an kawthler a fai em em a. Bal nih duh si lo hi kan fai hleithei lo a ni!

Fai hi zir theih a ni a, thil awlsam tak mahse taimak nena kal kawp tlat i a ni. Fai tur chuan in uluk a ngai a, in sil ngun a ngai bawk. Tin, kan in leh a velte pawh hawl fai ngun a ngai. Fai hi a hrisel bawk. Tin, ran kan vulh anih phei chuan hna kan ngah lehzual a ni tih kan hriat a ngai. Thenawm khawvengten an nin ngawih ngawih kan ni thei. Chu vang chuan thenawm khawveng tana hnawksak lo zawnga vulh te pawh kan tum a pawimawh viau awm e.

Veng pawlah kan ni a, a ber erawh kan la ni lo. Hmabak tam tak kan la nei a ni tih chu veng mipuite a hrechiang bertu kan ni awm e. Mahni in leh a vel fel fai takin enkawl hian kawng ro a su hle a, fai taka kan enkawl theih chuan hnattlang te pawh hi koh fo a ngai lovang. Tin, kan bawlhhlawhte a remchanga paih mai lovin a paihna tur dik takah paih thin ila, tuihawk luankawr hi bawlhhlawh paih nana siam a ni lo tih kan hria, mahse kan paih leh thin. Fur ruahtui a lo tlakin kan hnawmhnawk kawmthlangten an tuar ziah te hi kan in enfiah a ngai. Bawlhhlawh motor a lo kal ziah chung a kawra bawlhhlawh kan la paih tlat thin hi chu a zia lo deuh a ni.

Fai hi hmasawwna a ni a, mihringte min tizahawmtu a ni bawk. Kan pi pute ai chuan nasa takin kan fai tawh zawk; hma kan sawn vang a ni. Hmasawwna in a ken tel faina hi kan rilruah tuh thar ila, tun aia fai zawk a khawsak tum thar ila. Veng fai ber kan nih theih nan chhung tin, mimal tinte tang thar sauh sauh ang u.



KHAWTHLIR

NATIONAL ELIGIBILITY CUM ENTRANCE TEST (NEET-UG) 2025 RESULT LEH MIZO THALAITE DINHMUN

-Dr. Zirlianngura, T-Sec.

India ram chhunga Sawrkar, Private leh Kohhran enkawla MBBS, BDS, BAMS, BUMS, BHMS, BSMS, BASLP & B.VSc & AH zirturte thlanna (Common Entrance) hi National Eligibility Entrance Test (NEET-UG) tih a ni. NEET-UG pass lo tan a chung a course chi hrang hrang kan rawn tarlante hi zir theih an ni lo. Kum 2024 a Mizoram in a chung a zirna kan han sawite kan neih zat chu hetiang hi a ni -MBBS-ah seats 79 (RIMS Imphal – 7 seats, Govt Agartala Medical College – 2 seats leh Zoram Medical College - 70 seats). BDS ah seats 12, BAMS ah seats 2, BHMS ah seats 3 leh GASLP ah seat 1 a ni. Mizoram bikah chuan B.VSc & AH hi NEET (UG) kal tlanga allotment pek a ni ngai lo (SMATEE atanga pek an ni thin), kumin atang erawh chuan NEET (UG) kaltlanga allotment hi siam tawh tur a ni.

NEET(UG) hi kum 2012 atanga buatsaih tan tura tih a nih laiin, State tam takin an sawisel avangin kum 2016 atangin neih tan a ni. A tirah chuan Central Board of Secondary Education (CBSE) in a buatsaih a, kum 2019 atangin National Testing Agency (NTA) in a conduct ta a ni. NEET-UG hi kum khatah vawi khat exam thin a ni. Paper leh pen hmangin, Offline-a exam a ni. Exam pattern hi tih danglam fo a ni.

Kum 2025 atangin NEET(UG) exam-ah avaiin multiple choice questions 180 a awm a, heng questions 180 te hi compulsory vek an ni. Hetah hian Physics leh Chemistry questions 45 ve ve a ni a, Biology (Botany leh Zoology) questions 90 a ni thung. Question pakhat chhan dikah 4 marks pek tur a ni a, pakhat chhan dik lohah 1 mark paih thung tur a ni. A pumpuia full mark chu 720 a ni. Exam hun chhung hi 180 minutes (3hrs) a ni. Mizoram-ah chuan Aizawl-ah chauh exam centre hi a awm thin a. Kum 2022 atangin Mamit hi exam centre turah an tel a ni. Mamit a telna chhan chu aspirational district a nih vang a ni. Mahse, Mamit hi kum 2025 ah an rawn paih a, Mizoram-ah chuan Aizawl-ah chauh NEET (UG) exam center a awm ta a ni.

Aizawl-ah chuan zirlai exam tam dan a zirin Institution hrang hrang– college leh HSS ah te exam thin a ni.

NEET(UG) 2024 result hi 4th June 2024 ah tihchhuah a ni a. India ram pumah full mark (720 marks) hmu pha/thei mi 67 lai an awm. India ram puma tittha ber chu Ved Sunil kumar Shende, Maharastra a mi a ni (NTA in criteria a siam hmangin, full mark hmu zinga sang ber a ni). Mizoramah chuan Jonathan C. Lalhruiatluanga, St. Joseph HSS atanga Class 12 passed chu a sang ber a. Mizo zirlai zingah NEET(UG) exam awm tawhah chuan mark hmu sang ber nia hriat a ni, mark 552 hmuin, 94.02125 percentile a hmu a, India ramah 1,38,862-na a ni.

NEET (UG) 2024 exam kha a tir atangin sawiselna a tam nghal hle. Zawnha putru a awm thu ring taka sawi a ni. NEET (UG) 2024 exam-ah thil fel tawh lo (irregularities) a awm ngei nia an hriat avangin the Central Bureau of Investigation (CBI) chuan FIR an theh lut a. A theih dan danin State hrang hranga complain awmte pawh an chhui nghal a ni. Central sawrkar chuan Subodh Kumar, Director General National Testing Agency (NTA) chu a hna atangin an chawlhthir. Ministry of Education chuan NEET –UG exam system siam thatu tur High Level Expert Committee a din nghal a ni. Rajasthan-ah chuan question paper chhanna awmsa nei sem a ni, chu chu rang taka lak let leh a ni. Chu bakah, Hindi medium a chhang turte English Paper pek an ni. Zirlai ten hun tam tak an hlauh phah an ti. Hemi centre a exam mi 1563 te chu Grace mark pek a nizet a, sawiselna nasa taka awm avangin a hnu-ah chhuh sak leh an ni. Re-test ni 23rd June 2024 ah neihtir an ni. A bak chu exam that awm loin, ni 4th June 2024 ah result a chhuak a, chu chu an pawm ta a ni.

(Issue lehah chhunzawm tur- Ed)

E-STAR COMPUTER CENTER

(MSCTE Govt’ Approved Institution)

FREE ADMISSION!!!

2025

DCA -1&2 Sem, July - Dec a zir duh tan

Admission a tih leh theih ta e.

Contact no- 8731875084/7005421131

PAN CARD ,Aadhaar card download,Employment Registration, Income,Residential leh In hmun hming thlak kan buaipui thei baw e.

ER ZOSANGLIAN BUILDING ZOTE ARCADE 3RD FLOOR

NEAR D-3,OPPOSITE NAZARETH HOSPITAL RAMHLUN NORTH

MARYMA	PHEK 3-NA	RN YMA CHANCHINBU
 ZIN & HAW ■ Pu Lalrochama, Branch Vice President, YMA Day hmanga Chhawrtui-a zin chu a lo haw leh ta, Pu Machama hi CYMA hnuaiah Disaster Committee-ah Vice Chairman anih angin vawiin hian Tanhril lamah mibo zawngin a hnatlang bawk a ni. ■ Pu HV Lalromawia te nupa Shillong-a in checkup a zin pawh damtakin an lo haw leh ta e. ■ Pu T. Laldintluanga, V-Sec. Kohhran thil pawimawha Champhai-a zin chu a lo haw leh ta. ■ Pu H. Malsawmtluanga, K-Sec. te chhungkua chu an hna thawhna hmun Lucknow atangin thil pawimawh buaipuiin an lo haw ■ Pu F. Vanlalfela, C-Sec. Lawngtlai atangin a lo haw ■ Pu PC Rohmingthanga, T-Sec. inentira Kolkata-a kal chu an lo haw leh ta. ■ Nl. Lalremsiami Khiangte c/o Zohmingthanauva, V-Sec. chu a zirna hmun New Delhi atangin a lo haw. ■ Dr Lalnunfeli Tochohawn w/o Dr Zirlianngura T-Sec. chu inentir turin Vellore ah an zin ■ Pu Robert Lalremruata leh Pu Lalvensanga Hmar V Sec te chu thil pawimawh buaipuia Thenzawla zin chu an lo haw leh ta.  LAWMAWM ■ Vanlalmalsawma s/o C.Lalmachhuana T.Sec chuan B.Com Dist. ah Bangalore atangin a rawn zo. ■ Pu VL Pianruala, ECM chu Mizoram sorkar hnuaia committee sang, Mizo Film Development Committee member atan ruat thar a ni. ZO OPTICAL Ramhlun North (Industry peng Traffic Point bul) Pi C. Lalrinsangi Building May-June thla chhung 20% thleng discount a awm dawn a, MUP member leh Vohbik te tan 20% + 5% discount a awm mek bawk e. B.Sc, M.Sc Optometry zir chhuak thiam takin an thut chilh reng bawk a, a thlawn in mit a check tir theih reng bawk e. Contact : Ph-8414007366	 DAMLO ■ Pu Lalmunsiam Varte C.Sec chu Aizawl Hospital ah in enkawl turin a lut leh ta, tin an nu Pi Malsawmkimi chu ICU atangin Ward ah sawn ani tawh bawk e. ■ Pu Lalramchhana (Rama) K.Sec chu pumna vangin Durtlang Synod Hospital ah enkawl mek a ni. ■ Pi Vanlalpari M/o Tuikhuahtanga N-Sec. chu Greenwood Hospital, Bawngkawnah enkawl mek a ni. ■ Pi Thangrikhumi w/o Lalchawimawia (L) C. Section chu khawsik leh taksa chak lohna avângin in lamah enkawl mek a ni. ■ Pu R.Laltanpuia h/o Laltlanchhungi C.Sec chu Eastern Command Hospital Kolkata enkawl mek a ni. ■ Pi Laltanpuui m/o Dr. Connie Zomuani V-Sec chu Civil Hospital-ah enkawl mek a ni. ■ Pu Lalruattluanga, S-Sec. chu natna hrang hrang avangin ZMC & H a dah luh a ni. ■ Pu Lalneihhlua kan Treasurer hlui chu Vety Dispensary bul kawng kualah na takin a tlu sual palh a, in lamah a inenkawl mek a ni. ■ Pi Lalhriatpuui w/o Benjamin Lalnghakliana V-Sec. chu LRM Hospital atangin a lo chhuak. ■ Pi Lalsangkimi w/o R. Lalzawna C. Section chu scrub typhus leh zunkawnga hnai awm vângin LRM Hospital atangin a lo chhhuak. ■ Tv. Lallawmawma s/o R. Lalmuanawma, S-Sec. chu Synod Hospital, Durtlangah enkawl mek a ni.  KOHHRAN ■ BCM: Ni 20.6.2025 (Zirtawp) zan ah TKP, Ramhlun North Unit, ten TKP- Day pualin thlanlah hnatlang an nei a, thlan pahnih an lai a ni. ■ SALVATION ARMY : Ni 22.6.205 (Pathianni) hian SAY Sunday an hmang ang. Chawhma leh zana Biak Inah hun an hmang ang a, chawhnu ah LAD Office kawtah Mual Inkhawm an nei ang. ■ PRESBYTERIAN : Ramhlun North Pastor Bial Zaipawl Camp chu Senior hall Ramhlun North ah neih a ni a, tukin zing khan an chhuak a ni. FOOTBALL ■ Mizoram Football Association leh Aizawl District Football Association hnuaia a Committee peng ah kan veng atang heng mite hi member ah ruat an ni. MFA ah - Pu John Lalrindika Ralte V Sec.(Registration Committee), Pu Jonathan C Lalrintluanga N Sec.(Veteran Committee) ; ADFA ah Pi Lizy Lalhmingangi, V Sec Women Committee leh Pu Malsawmthara K Sec. (Property Committee)Pu Zothanmawia Khiangte N Sec. Futsal Referee MFA Referee Committee.	 LOCAL COUNCIL 1. Mi engemaw zatin Ui thlalak kan thehlut tawh a, la thehlut lo kan la awm nualin a hriat a, June thla chhung a thehluh tur anih vangin a la thehlut loten a rang lam a theh luh tur ani e. 2. Vengchhung Security te hlawh tur in tinah Rs 200 aia tlem lo khawn ani dawn a, vengchhung mipuiten ngai pawimawh turin kan inngen a, tlema awm thei deuhten midang kepna rilru pu a kan thawh theih chuan a lawmawm hle ang. ■ Mizoram States Sports Council leh Mizoram Basketball Association buatsaih Inter Local Coucill Basketball Tournament lo awm turah Ramhlun North Local Council Coach atan Tv Lalmuanpuia Zote, T-Sec chu ruat a ni a, Asst. Coach atan Tv. Lalrawntluanga Zaucha, V-Sec ruat ani a, Manager atan Tv. Albert Lalrintluanga, T-Sec chu ruat a ni bawk. Central YMA Chetvelna Dt.14&16.6.2025 : YMA Day vawi 90-na pualin Branch YMA hrang hrang ten vantlang leh mi harsa zawkte tan thil tha tih nan an hman bakah vantlang inkhawmte neiin, kumpuan thupui “Ram leh Hnam Humhalh” lam hawi inzirtirna hun an hmang. Central YMA OB leh CEC member thenkhat ten hmun hrang hrangah YMA Day hi an hmanpui bawk. 17.6.2025 : Rev. Dr. K. Thanzauva, Consultant, School Education Deptt., Govt. of Mizoram-in a Office-a leng tura Central YMA hruiatute a sawm angin, Prof. Malsawmliana Gen. Secretary, Pu Vanlalsawma CEC, Pu P.B. Lallawmzuala CEC te an leng a, zirna chungchanga hmasawmna tur kawng hrang hrang an sawiho. 18.6.2025 : Aizawl SP Pisa-ah Task Group on Mobilization/Security under Hulhliap Short Stay Centre meeting neih a ni a, Pu Roneihthanga Treasurer a tel. 18.6.2025 : District Task Force on Child Labour ten bawlhhlawh sawngbawlna hmunah te kumtling lo naupangte chhawr an nih leh nih loh an enfiah a, Prof. Malsawmliana Gen. Secretary a tel. 19.6.2025 : MSACS bultumin Taxation Deptt. Conference Hall-ah Seminar on Drug Abuse in Mizoram hun hman a ni a, Pu Roneihthanga Treasurer leh Pu H.C. Zonunthara CEC an tel. 19.6.2025 : Aizawl DC Pisa Conference Hall-ah District AIDS Prevention & Control Committee meeting neih a ni a, Dr. Lalrinawma Hnamte CEC a tel. 20.6.2025 : Central YMA bultumin, Central YMA Hall-ah Myanmar atanga Mizorama rawn raltlan pawl hrang hrang hruiatute kokhawmin, infuihtharna leh thil pawimawh inhrilhfiarna hun hman a ni.

MARYMA	PHEK 4-NA	RN YMA CHANCHINBU
ARTICLE BÂNSAN HI HMU HNIAM LO ILA	ADVERTISEMENT KC TUI (10-7) Tui thianghlim, PickUp-in 2,000 litre kan pe thei reng e. Ramhlun North veng chhung tan discount kan pe e. Ph: 7005010327 / 9774223462 SEPTIC TANK KHAT & REPAIR Septic tank khat paih leh repair kan ti thei reng a, rate chu inbiakremna a ni ang. Contact: 9612376373 C/o Marina: 9436140350 (5-2) JM SEPTIC TANK SEVICE Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e. Rate inbiak remna. Registration: MRS 542 Contact: 9862476439 / 9436199884 (10-5) SAWMA SEPTIC TANK SERVICE Septic Tank khat paih fai, commode block, pipe fit, soak pit thar siam engkim kan ti thei e. Rate: Inbiakremna Ph: 8119969364 KHIANGTE SEPTIC TANK SERVICE Septic Tank khat paihfai, Comode Block, Soak pit, Pipe Fitting, Repair engkim, khur chhung lutin, a neitu te lungawi na thlap in kan thawk thei e Contact - 9862344971 Bawngkawn South (20-5) L.H SEPTIC TANK SERVICE Septic tank paihfai leh repairing engkim kan thawk thei e. Kum 17 chuang experience nei kan ni e. Rate:4500 per trip Ph.6909183193 (30-4) CBT STORE STATIONERY ITEMS- Zirlai leh mitin mamawh RFL HOUSEWARE (Plastic tha mi inchhung bungrua chi hrang hrang) CB Thangluta Building, Bawngkawn South (Main Road) Ph: 84138 27704 / 87943 37944 COMPUTER CLASS FREE ADMISSION CCA/DCA December exam turin Free Admission hawn mek a ni leh ta e. . . Free Study Materials. Free PC Hardware Maintenance & Windows/Software Installation. Mon - Fri Class kal hman lo tan Saturday-ah Class a kal theih bawk e. Class timing 7:00am - 6:00pm (Mon-Fri) HI-TECH INSTITUTE OF COMPUTER Zarkawt (Near Traffic Point) & Ramhlun North (Industry peng. Opp. Traffic point) 9862343182 / 9089612701(WhatsApp/Call) LABORATORY PERMANENT REGISTRATION CHUNGCHANG Faith Laboratory & Diagnostics Centre Laboratory, Ramhlun North hian vengchhung leh khawtlang tan harsatna leh hnawmhnawk an siam ni a kan hriat chuan, CMO Aizawl West Office, CEA Section-ah ni 30 chhungin (Office Hour-ah) complaint ziak a thehluh theih a ni. Sawiselna nei kan awm lo a nih chuan CEA Permanent Registration pek an ni ang. JOHAN'S COMPUTER INSTITUTE (JCI) (GOVT. APPROVED INSTITUTION) Near LH Thanga Enterprise, Industry Peng, Ramhlun ‘N’ Contact No. 7005608874 COMPUTER CLASS (Jul - Dec Session) FREE ADMISSION OPEN COURSES: 1.CCC; 2. DCA 1st & 2nd Sem Timing: 6:30am-8:30am 10:00am-5:30pm 6:30-9:00pm Instructor: C Lalbiaknunga (Nungtea), BE Comp. Sc & Engg. COMMON SERVICE CENTRE (CSC) kaltlangin hengte hi kan ti thei bawk Pan Card Motor Insurance Learner's Licence Tribal/Residential/Income Certificate Indian Passport GST Registration UDYUM Registration Inhmun Hmingthlak (Sales & Gift Deed) Bank Mortgage & Release Lease/Rent Agreement Golden Card eRAM Revenue	Published & edited by Eddie Lalfakzuala for and on behalf of Ramhlun North Branch YMA. Copies- 1,270